



# EGMO 2025

European Girls'  
Mathematical Olympiad  
**KOSOVA**

Language: **Uzbek**

Day: **1**

2025-yil 13-Aprel, Yakshanba

**1-masala.**  $N$  musbat butun son uchun  $N$  sonidan kichik hamda  $N$  bilan o`zaro tub bo`lgan barcha musbat butun sonlar  $c_1 < c_2 < \dots < c_m$  bo`lsin. Barcha  $1 \leq i \leq m-1$  uchun  $EKUB(N, c_i + c_{i+1}) \neq 1$  shart bajariladigan  $N \geq 3$  musbat butun sonlarning barchasini toping.

*EKUB – a va b sonlarining eng katta umumiy bo`luvchisi. Agar  $EKUB(a, b) = 1$  o`rinli bo`lsa, a va b sonlari o`zaro tub sonlar bo`ladi.*

**2-masala.**  $a_1 < a_2 < a_3 < \dots$  musbat butun sonlarning o`suvchi cheksiz ketma-ketligi bo`lsin. Agar har bir  $n$  musbat butun son uchun, ketma-ketlikning dastlabki  $a_n$  ta hadining o`rta arifmetik qiymati  $a_n$  ga teng bo`lsa, bunday ketma-ketlikni *markaziy* deb ataymiz.

Shunday  $b_1, b_2, b_3, \dots$  musbat butun sonlar cheksiz ketma-ketligi mavjudligini isbotlang, bunda har bir  $a_1, a_2, a_3, \dots$  markaziy ketma-ketlik uchun  $a_n = b_n$  tenglik o`rinli bo`ladigan  $n$  musbat butun sonlar cheksiz ko`p.

**3-masala.**  $ABC$  o`tkir burchakli uchburchak bo`lsin.  $B, D, E, C$  nuqtalar bir to`g`ri chiziqda aynan shu ketma-ketlikda yotadi hamda  $BD = DE = EC$  tenglik o`rinli.  $M$  va  $N$  nuqtalar mos ravishda  $AD$  va  $AE$  kesmalarning o`rtalari. Ma'lumki,  $ADE$  o`tkir burchakli uchburchak hamda uning balandliklari  $H$  nuqtada kesishsin.  $P$  va  $Q$  nuqtalar  $BM$  va  $CN$  to`g`ri chiziqlarda mos ravishda shunday tanlanganki, bunda  $D, H, M$  va  $P$  nuqtalar qandaydir bir aylanada (bunda ularning hech qaysisi ustma-ust tushmaydi) hamda  $E, H, N$  va  $Q$  nuqtalar ham qandaydir bir aylanada yotadi (bunda ularning hech qaysisi ustma-ust tushmaydi).  $P, Q, N$  va  $M$  nuqtalar bir aylanada yotishini isbotlang.